



იმისთანა წმინდა საღმრთო, ბოგობილ ბიჭ-  
უბი სიფყვას, ფყილუბით და ჭბბბბით ბუბ-  
თის გაცანა ყულა უკადბბბბბბ უსაბაგლბბბა.

ბაბბბბ 1918 წლის  
25 ივლისიდან

# რეპრეზენტაცია

ოთხშაბათი, 20 აპრილი, 2022 წ. №51 (9389) ელ.ფოსტა: sakresp@mail.ru და sakresp@top.ge ფასი 1 ლარი

## შეიგნეთ ქართველნი: ყველა ნიჭზე კლიერია ქვეყნის დასვრის ნიჭი!

თავდასვის სამინისტრო საკონტრაქტო სამსახურში მოქალაქეების მიღებას აპრობალებ



**წადით  
ბიჭებო,  
ჯარში!**

**საკონტრაქტო სამხედრო სამსახურთან დაკავშირებით სამინისტრო კამპანია ძველების მასშტაბით მიმდინარეობს,** – ამის შესახებ ინფორმაციას თავდაცვის სამინისტრო ავრცელებს. მათივე ინფორმაციით, თავდაცვის ძალების ეროვნული გვარდიის ტერიტორიიდან პირადი შემადგენლობა ქვეყნის რეგიონებში, ქალაქებსა და სოფლებში რეკრუტირების მობილური მანქანებით გაემგზავრა. სამხედროები ადგილობრივებს საკონტრაქტო სამსახურის პირობებს, ასევე თავდაცვის ძალებში პროფესიით დასაქმების შესაძლებლობებს გააცნობენ. გუშინ თბილისის მეტროსადგურებთან მოქალაქეების პირისპირ შეხვედრები გაიმართა. სამხედრო მოსამსახურეებმა მოქალაქეებს კონტრაქტის, ასევე პროფესიით ჯარში სამსახურის შესახებ დეტალური ინფორმაცია მიაწოდეს. სამხედრო საქმის მიმართ მოსახლეობის დიდი ინტერესი გამოიკვეთა. მოქალაქეების კითხვებს სამხედროებ-

მა ამომწურავად უპასუხეს. თავდაცვის უწყების წარმომადგენლებმა აღნიშნეს, რომ 4-წლიან საკონტრაქტო სამხედრო სამსახურში მიიღებიან 18-დან 35 წლის ჩათვლით საქართველოს მოქალაქეები. სამხედროები უზრუნველყოფილი იქნებიან ნატოს სტანდარტების უმაღლესი ხარისხის უნიფორმით, სამხედრო აღჭურვილობით, კვებით, უფასო სამედიცინო მომსახურებით, სოციალური და სამართლებრივი დაცვით. ჯარისკაცებმა აღნიშნეს, რომ უწყებაში მოტივაციის ამაღლებისათვის საუკეთესო პირობებია შექმნილი, უმჯობესდება განათლების შესაძლებლობები და იხვენება კარიერული წინსვლის სისტემა, იზრდება ხელფასები და ვითარდება სოციალური დაცვის გარანტიები. კარიერული განვითარების შესახებ საუბრისას სამხედროებმა განმარტეს, რომ ჯარისკაცებს საშუალება ექნებათ შეისწავლონ უცხო ენა, დაეუფლონ პროფესიას და კვალიფიკაცია აიმაღლონ უცხოეთში სხვა-

დასხვა კურსებზე. უწყება ორიენტირებულია სამხედრო პირი თავდაცვის ძალებში მიღებული ცოდნითა და გამოცდილებით სამსახურის დასრულების შემდეგაც იყოს კონკურენტული. შეხვედრაზე ხაზგასმით აღინიშნა, რომ 18-დან 40 წლის ჩათვლით მოქალაქეებს თავდაცვის ძალებში დასაქმება საკუთარი პროფესიითაც შეუძლიათ. სამხედრო საკონტრაქტო სამსახურში რეგისტრაციის პროცედურები მაქსიმალურად გამარტივებულია. რეგისტრაცია მთელი წლის განმავლობაში შესაძლებელია ონლაინ – [Onlinebet.mod.gov.ge](http://Onlinebet.mod.gov.ge) ასევე, ქვეყნის მასშტაბით სხვადასხვა ქალაქში – თბილისი, კორი, ქუთაისი, სენაკი, ბათუმი და თელავი, იუსტიციის სახლებსა და რეკრუტირების მობილურ მანქანაში. საკონტრაქტო სამხედრო სამსახურისა და თავდაცვის ძალებში პროფესიით დასაქმების შესახებ საინფორმაციო კამპანია ქვეყნის მასშტაბით ორი კვირის განმავლობაში გაგრძელდება.

**ინყება დიდი, მასშტაბური პროექტების დაფინანსება! ②**

**ეპ, რას გააბებინებ დაჩლუნებებულ ოპოზიციას... ③**

**ივანიშვილი „ქართუ ბანკს“ იმიჯოე ყიფის, სანყიბის ეუბინაო!**

### პრემიერი აზერბაიჯანის მილი მეჯლისის თავმჯდომარეს შეხვდა

საბარბბბბბბს პრემიერ-მინისტრი ირაკლი ღარიბაშვილი აზერბაიჯანის მილი მეჯლისის თავმჯდომარე საბბბბა გაფაროვას შეხვდა. მხარეებმა ისაუბრეს საქართველოსა და აზერბაიჯანს შორის არსებულ მეგობრულ ურთიერთობასა და სტრატეგიულ პარტნიორობაზე. განსაკუთრებული ყურადღება გამახვილდა ეკონომიკური კავშირების გაძლიერებასა და რეგიონის უმნიშვნელოვანეს სატრანსპორტო-ენერგეტიკულ პროექტებზე. მთავრობის ადმინისტრაციაში გამართულ შეხვედრას აზერბაიჯანის მხრიდან ესწრებოდნენ: აზერბაიჯანის რესპუბლიკის საგანგებო და სრულუფლებიანი ელჩი საქართველოში ფაიგ გულიევი, აზერბაიჯანის რესპუბლიკის პარლამენტის საქართველოს პარლამენტთან მეგობრობის ჯგუფის ხელმძღვანელი არზუ ნაგიევი, პარლამენტის წევრები ფაზაილ აგამალი და საბირ რუსტამხანლი, პარლამენტის თავმჯდომარის თანაშემწე ელმარ ჰუსეინოვი და მრჩეველი ელდარ ბაირამოვი, ხო-



ლო საქართველოს მხრიდან: საგარეო საქმეთა მინისტრი ილია დარჩიაშვილი და საქართველოს საგანგებო და სრულუფლებიანი ელჩი აზერბაიჯანის რესპუბლიკაში ზურაბ პატარაძე.



# ინჟინერული ღიღი, მასშტაბური პროექტების დაფინანსება!

### განაღობით მუშაობის მასშტაბური პროგრამა კონკრეტულ სამუშაოებზე 20 000 აკაიონს

აკონკრეტული ზრდის შენარჩუნების მიზნით და იმისთვის, რომ კიდევ უფრო მეტად დაგეგმვით ეკონომიკურ ზრდას, მინდა, ჩვენს საზოგადოებას გავაცნო ჩვენს მიერ მიღებული გადაწყვეტილებები; დავამუშავეთ რამდენიმე კვირის წინ გაფორმებული ინციტივები, რომელიც უნდა ზოგადად ეკონომიკური ზრდის დაჩქარებას, საჯარო ინფრასტრუქტურის გაუმჯობესებას, მშენებლობის მასშტაბურ პროგრამას და დღეს უკვე ვინც გარდავით მშენებლობის მასშტაბურ პროგრამას, — ამის შესახებ საქართველოს პრემიერ-მინისტრმა ირაკლი ლარიაშვილმა მთავრობის 18 აპრილის სხდომაზე განაცხადა. პრემიერმა იმ პროექტების შესახებ ისაუბრა, რომელიც წელსვე დაიწყება და მომდევნო 3-4 წლის განმავლობაში უნდა დასრულდეს.

„მინდა, სამინისტროების მიხედვით ჩამოვთვალო ის დიდი, მასშტაბური პროექტები, რომლებსაც დავაფინანსებთ. სამუშაოების დაწყება გვინდა წელსვე და დაახლოებით 3 წელში გვინდა, რომ ყველა სამუშაო, რომელსაც ჩამოვთვალო, იყოს დასრულებული. დაფინანსების ჯამური მოცულობა დაახლოებით 3 მლრდ ლარი იყოს. ჩვენ ამ ეტაპზე 2 მლრდ ლარით დაიწყებთ, 2 მლრდ-ის სამუშაოები, პროექტები იქნება ხელმისაწვდომი კომპანიებისთვის და მინდა, რამდენიმე პროექტი გაცავს. პროგრამის განხორციელებით 20 000 ახალი სამუშაო ადგილი გაჩნდება. ჩვენ სამშენებლო სექტორს შევთავაზებთ, მოიზიდონ ჩვენი გარანტიით, გარანტირებული დაკავებით, დამატებითი ფინანსური რესურსი და ჩაერთონ ამ პროგრამაში. ვფიქრობ, ეს იქნება უნივერსალური გადაწყვეტილება. ერთი მხრივ, ჩვენ დაგეგმილ პროექტებს ვადავრად ადრე განვახორციელებთ და მეორეს მხრივ, ეს ყველაფერი ეკონომიკას დაეხმარება. ასევე, ბიზნესისთვის იქნება ძალიან მნიშვნელოვანი მხარდაჭერა და შეიქმნება ახალი სამუშაო ადგილები. მთავრობა საკუთარ პროექტებს განხორციელებს ვადავრად, — განაცხადა მთავრობის მეთაურმა. იგეგმება 800 სკოლის მოწესრიგება, მათ შორის, აშენდება 80 ახალი სკოლა, აგრეთვე, ქვეყნის მასშტაბით აშენდება 90 საბავშვო ბაღი და რეაბილიტირდება — 412. „ბოლო 8-9 წლის განმავლობაში 175 სკოლა ავაშენეთ და 240-მდე სკოლას ჩაუტარდა რეაბილიტაცია, მაგრამ ეს არ არის საკმარისი. ჩვენ დღეს გვაქვს 800 სკოლა გასარემონტებელი, აქედან 80 ახალი სკოლის აშენება მოგეწევს, 220 სკოლის სრული და დარჩენილის ნაწილობრივი რეაბილიტაცია. ბიუჯეტი იქნება დაახლოებით მილიარდი ლარი და ჩვენ რვაასივე სკოლას, როგორც აღვნიშნე, ნაწილს გავარემონტებთ, ნაწილს ნაწილობრივ და 80 ახალ სკოლას ავაშენებთ მომდევნო 3 წლის განმავლობაში, ეს უნდა იყოს ჩვენი ახალი ამოცანა. მთელი ქვეყნის მასშტაბით ჩვენ ასევე შევფასეთ საბავშვო ბაღების მდგომარეობაც, რომელიც კრიტიკულია, ძალიან მძიმე მდგომარეობაშია ბევრი საბავშვო ბაღი, განსაკუთრებით რეგიონებში, ამიტომ, მიღებული გვაქვს გადაწყვეტილება, რომ აშენდება 90 საბავშვო ბაღი და რეაბილიტირდება 412. ეს არის ძალიან მნიშვნელოვანი. ჩვენი მთავარი ამოცანა უნდა იყოს სწორედ ის, რომ ჩვენი მომავალი თაობა, ბავშვები იზრდებოდნენ, განათლებას იღებდნენ ძალიან ჯანსაღ გარემოში, ამიტომ, მათთვის აუცილებელია, რომ სკოლები, ბაღები იყოს იდეალურ მდგომარეობაში, ეს არის ჩვენი მთავარი ამოცანა და პრიორიტეტი,“ —

განაცხადა პრემიერმა. რაც შეეხება შინაგან საქმეთა სამინისტროს, პრემიერისა და შინაგან საქმეთა მინისტრის ერთობლივი გადაწყვეტილებით, პოლიციელებისთვის 1000-ბინიანი პოლიციის ქალაქი აშენდება.

„ჩემი და ბატონი მინისტრის დიდი სურვილია და ერთად გადავწყვიტოთ, რომ ჩვენი გირი პოლიციელებისთვის ავაშენებთ 1000-ბინიან პოლიციის ქალაქს. ამ პროექტს დაიწყებთ ამ წელს, უკვე დაწყებული გვაქვს მოსამზადებელი სამუშაოები, ადგილიც შეიქმნა. ბატონი ვახტანგის იდეა იყო, რომ აღნიშნული პროექტი იქონიეს ქუჩაზე განხორციელდეს, სადაც განთავსებული იყო პოლიციის სპეცდანიშნულების ბაზა. აღნიშნულ ბაზას სხვა ადგილზე გადავიტანთ და ამ ადგილზე 1000-ბინიანი საცხოვრებელი კომპლექსი, ეს იქნება პოლიციის ქალაქი, ისეთი, როგორც ჩვენი სახელგანთავსებული ხანგრძლივი ავაშენებ ჩემი მინისტრობის დროს. გასული, რომ 1000-ბინიანი ჯარის ქალაქი ავაშენებ, რომელიც წელს, სექტემბერში ჩაბარდება ჩვენს ჯარისკაცებს. ასეთივე, ანალოგიური ქალაქი აუშენდება ჩვენს პოლიციელებს. პირობები იქნება იგივე, რაც ჯარისთვის იყო, ანუ დაახლოებით 1 კვადრატულ მეტრზე 100 დოლარის ეკვივალენტს გადაიხდით ჩვენი პოლიციელები, დანარჩენს ყველაფერს სახელმწიფო დაფარავს. ვფიქრობ, ეს არ უნდა იყოს ერთგვარადი პროექტი, ეს უნდა გაგრძელდეს, დამატებითი მოტივაციის მიმცემი უნდა იყოს ჩვენი პოლიციელებისთვის. ჩვენი ვალაია, შესაბამისად, ღირსეულად დავუფასოთ საშინაური იმ ადამიანებს, რომლებიც თავს სწირავენ ჩვენი ხალხისთვის და ქვეყნისთვის...“

ირაკლი ლარიაშვილმა აღნიშნა, რომ ასევე დაგეგმილია პოლიციის ყველა შენობის და ბაზის რეაბილიტაცია და ერთიან, ევროპულ სტანდარტში მოქცევა, აღნიშნული სამუშაოების სავარაუდო ღირებულება დაახლოებით 300-350 მლნ ლარს შეადგენს.

„პოლიციის ყველა შენობის გარემონტება, განახლება, რეაბილიტაცია იგეგმება, ასევე იგეგმება განსაკუთრებულ დავალებათა დეპარტამენტის ბაზების რეაბილიტაცია და მათი ერთიან სტანდარტში მოყვანა. სამუშაოები დაიწყება სასაზღვრო პოლიციაში — ახალ სექტორებს ავაშენებთ, არსებულს გავარემონტებთ ყველგან და ერთიან ევროპულ, თანამედროვე სტანდარტში მოვაქცევთ ყველა ბაზასა და შენობას. მოსახლეობის ზრდასთან ერთად, გაჩნდა ახალი საპოლიციო შენობების აშენების საჭიროება. დაგეგმილი გვაქვს ახალი პროექტები და, რა თქმა უნდა, არა მხოლოდ თბილისში, არამედ რეგიონებში აშენდება პოლიციის ახალი შენობები. აღნიშნული სამუშაოების სავარაუდო ღირებულება დაახლოებით 300-350 მლნ ლარს შეადგენს. სამუშაოები წელსვე უნდა დაიწყოს და ჩვენი სურვილია, რომ ეს ყველაფერი სამ წელიწადში დასრულდეს,“ — აღნიშნა პრემიერ-მინისტრმა. ირაკლი ლარიაშვილმა აღნიშნა, რომ თავდაცვის სამინისტროში მიმდინარეობს ძალიან მნიშვნელოვანი ინფრასტრუქტურული სამუშაოები სხვადასხვა მიმართულებით. პრემიერმა გამოყო სპეციალური ოპერაციების ძალების ახალი, თანამედროვე ბაზის მშენებლობა, საუბარია ე-მუხროვანის ბაზაზე, სადაც მასშტაბური სამუშაოები წელსვე დაიწყება.

„ჩვენი სურვილია, რეგიონში ეს იყოს ერთ-ერთი ყველაზე სანიმუშო ბაზა, ენ მუხროვანის ბაზა. იქ დაწყებულია სამუშაოები, მაგრამ ძალიან დიდი მასშტაბის სამუშაოებზე საუბარი, რომელიც წელსვე დაიწყება და მაქსიმუმ 2-3 წელიწადში დასრულდება და გვექნება ერთ-ერთი ყველაზე სანიმუშო, სამაგალითო თანამედროვე სამხედრო ბაზა, სპეციალური ოპერაციების ბაზა. ასევე გვინდა, აღმოსავლეთ საქართველოშიც ავაშენოთ კადეტთა ლიცეუმი. მოგესვენებათ, კადეტთა ერთი ლიცეუმი არსებობს ქუთაისში, რომელიც დიდი პოპულარობით სარგებლობს მოსახლეობაში და გვინდა, ანალოგიური კადეტთა ლიცეუმი ავაშენოთ თბილისში, კრწანისის რაიონში.“

მთავრობის მეთაურის თქმით, ასევე იგეგმება სამხედრო მუშეუმი კონცეფციაზე მუშაობის დაწყება, რომელიც კოვიდ-პანდემიის გამო დროებით შეჩერდა და ეს პროექტიც მივა ბოლომდე.

მთავრობა მასშტაბურ პროექტს იწყებს დევნილების ბინებით უზრუნველყოფის მიმართულებითაც. როგორც პრემიერმა აღნიშნა, იმის მიუხედავად, რომ ათასობით დევნილს დაუკანონდა და გადაეცა ბინები, მათ შორის „სოფლად სახლის“ პროგრამის ფარგლებში სახელმწიფომ შეუძინა სახლები, გამოწვევა ჯერ კიდევ დიდია და ძალიან ბევრ, ათასობით დევნილს ჯერ ისევ არ აქვს ბინა. „ამიტომ, ჩვენ ვინცერთ მასშტაბურ პროექტს, 13 ათასამდე დევნილი ოჯახი მიიღებს ბინებს მომდევნო 3-4 წელიწადში. მათგან ნაწილს დაუკანონდება, ნაწილს, დაახლოებით 6 ათას დევნილს გადაეცემა სახლები „სოფლად სახლის“ ფარგლებში და 7 ათასი დევნილი ოჯახისთვის აშენდება ახალი, თანამედროვე სტანდარტების კორპუსები. ქუთაისში წელს სრულდება 700 ბინის მშენებლობა, რომელიც დევნილი ოჯახებს შემოდგომაზე გადაეცემათ და განაფხულზე, ახლა, როგორც აღვნიშნე, დაიწყება ახალი კორპუსების მშენებლობა თბილისში, რუსთავეში, ქუთაისში, ზუგდიდსა და ბორჯომში. ეს არის მასშტაბური პროექტი, რომელიც მაქსიმუმ 3-4 წელიწადში უნდა დასრულდეს,“ — აღნიშნა პრემიერმა.

გარდა ამისა, დაგეგმილია, ყველა მუნიციპალიტეტში, მომდევნო 3 წელიწადში დასრულდეს წყალმომარაგების პროექტი და 24-საათიანი წყალმომარაგება ჰქონდეს ყველა მუნიციპალიტეტს, ყველა ქალაქს.

პრემიერის თქმით, აღნიშნული პროექტი დაფინანსდება, დაახლოებით, 350 მლნ ლარით და მაქსიმუმ 2025 წელს ყველა ქალაქს ექნება 24-საათიანი წყალმომარაგება.

ირაკლი ლარიაშვილის განცხადებით, ერთ-ერთი მთავარი პრიორიტეტი იქნება სპორტი და კულტურა; საჭირო პროექტები გავლილია მინისტრ თეა წულუკიანთან და მთელი ქვეყნის მასშტაბით დაიწყება ყველა თეატრის რეაბილიტაცია, ასევე, ყველა მუნიციპალიტეტში აშენდება სპორტული კომპლექსი.

პრემიერმა განსაკუთრებით გამოყო შალვა ამირანაშვილის სახელობის ხელოვნების მუზეუმი, რომელიც ქვეყნისთვის ძალიან მნიშვნელოვანია და აღნიშნა, რომ მუზეუმის შენობის რეაბილიტაცია წელსვე დაიწყება, ეს არის მთავრობის სურვილი.

ერთაშორისო აშენდება ეკონომიკის სამინისტროს ახალი შენობა, ხოლო რეაბილიტაცია ჩაუტარდება საგარეო საქმეთა სამინისტროს შენობას.

„ეკონომიკის სამინისტროს, მაგალითად 7 წელია არ აქვს თავისი შენობა, რაც, რა თქმა უნდა, სირცხვილია. ამიტომ, ბატონ ლევან დათიანიშვილთან ერთად ვისაუბრეთ და გადავწყვიტეთ, რომ გვაქვს უნიკალური ადგილი ორთაქალაში, იქ აშენდება ეკონომიკის სამინისტრო, სადაც უნდა მთელი თანხის სსიპ-ებით, განთავსდეთ თანამედროვე სტანდარტების შენობაში. საგარეო საქმეთა სამინისტროს შემთხვევაში დიდი გამოწვევა არსებული შენობის მდგომარეობა და აუცილებელია რეაბილიტაციის დაწყება. გვინდა, წელსვე დაიწყოთ ეს პროექტი, ამას ბატონი ილია დარჩიაშვილი განასხორციელებს. ჩვენ უნდა დავიწყეთ ძალიან აქტიური მუშაობა, გვეჩრდება 24-საათიანი მუშაობა, დასაქმდება ათასობით ადამიანი და სიკეთე შეეხება ასი ათასობით ჩვენს თანამოქალაქს. ყველაზე მეტად მხარებს ჩვენი განათლების პროექტი — 800 სკოლა უნდა იყოს ევროპული სტანდარტის მიხედვით აშენებული და რეაბილიტირებული. კიდევ ერთხელ მინდა მოგიწოდოთ, ბატონებო და ქალბატონებო, აქტიური მუშაობისკენ, ჩვენ ახლა გვეჩრდება მაქსიმალური მოთხოვნა იმისათვის, რომ ყველა ეს პროექტი, ამბიციური გეგმა ძალიან მოკლე ვადებში შევასრულოთ,“ — განაცხადა მთავრობის მეთაურმა.











# არაპოინ იზის, თუ უკრაინა ნატოზე უარს იტყვის, რა მოხდება საქართველოში!..

„საქართველომ უნდა დიკავოს პოზიცია ქვეყნებთან, რომლებსაც კანონის და წესრიგის სწამით და სჯერათ საერთაშორისო ურთიერთობების. საქართველომ ნათლად უნდა აჩვენოს, რომ იმ ქვეყნების გვერდით დგას, რომლებიც ეწინააღმდეგებიან იმას, რასაც რუსეთი სჩადის. რუსეთი უკვე აპირებს „სამხრეთ ოსეთს“ მიტაცებას. რა სარგებელი მოუტანა საქართველოს რუსეთთან კარგი და დაბალნეზულმა ურთიერთობამ? – აცხადებს იალ-ოვიცი.

რუსეთთან მიმდინარე სამშვიდობო მოლაპარაკებების ფარგლებში კიევმა უსაფრთხოების ცხადი გარანტიების სანაცვლოდ, ნატოში განწევრიანებაზე უარს თქმა შესაძლებლობად განიხილა. თუმცა, ამის წინაპირობად უკრაინის ტერიტორიიდან რუსული ძალების სრული გასვლის შემდეგ, საკითხზე რეფერენდუმის გამართვა დაასახელა.

რას ნიშნავს საქართველოსთვის უკრაინის მიერ ალიანსისკენ სწრაფვაზე უარის თქმა – ნატოში შეერთებული შტატების ყოფილი წარმომადგენელი და საქართველოსა და უკრაინაში შეერთებული შტატების ყოფილი ელჩები მსჯელობენ იმაზე თუ როგორი შეიძლება იყოს საქართველოს წინაშე შექმნილი ვითარება, მოვლენების ამგვარი განვითარების შემთხვევაში.

„ამ ქვეყანას (უკრაინას), მის ხელისუფლებას უკვე მოუწია უარის თქმა ნატოზე, რაც იყო მისი მხრიდან სასტატუსო შეთავაზება – სასტატუსო შეთავაზება, წარმოიშობა, რუსეთის მიმართ. ეს არის, რა თქმა უნდა უმძიმესი მდგომარეობა. შესაბამისად სახეზეა მოცემულობა, რაც არის ძალიან სამსუსხარო ჩვენითვის და ჩვენი ამოცანაა, ბუნებრივია, ეს ყველაფერი ავადილოთ ჩვენს ქვეყანას“, – განაცხადა ოთხ აპრილს, პარტიის ოფისში გამართულ ბრიფინგზე „ქართული ოცნების“ თავმჯდომარე ირაკლი კობახიძემ.

თუმცა მოვლენათა ქრონოლოგია აჩვენებს, რომ ალიანსში უკრაინისა და მასთან ერთად, საქართველოს განწევრებაზე უარის თქმა მოსკოვმა დასავლეთისგან ჯერ კიდევ ომის დაწყებამდე მოითხოვა. ამ მოთხოვნაზე რუსეთმა ვაშინგტონისა და ალიანსისგან მტკიცე უარი მიიღო. ამასთან, მიმდინარე მოლაპარაკებებში კიევმა გადაწყვეტით არ უთქვამს, რომ ნატოში განწევრებაზე უარს ამბობს.

„უკრაინამ თქვა, რომ როგორც შეთანხმების ნაწილი, მზად არის განიხილოს ნატოში არ-განწევრიანების საკითხი. ეს არ ნიშნავს იმას, რომ მათ მიიღეს გადაწყვეტილება არ განწევრდნენ ნატოში. მაგრამ მაშინაც კი, თუ ეს უკრაინის პოზიცია იქნება, ეს არ ნიშნავს იმას, რომ საქართველო ვერ შეძლებს ნატოში განწევრებას. ნატოს ღია კარის პოლიტიკა უცვლელია. კარი ღიაა ყველასთვის, ვისაც სურს ალიანსს შეუერთდეს და ამისთვის მოთხოვნებს აკმაყოფილებს“, – ამბობს „ამერიკის ხმასთან“ საუბრისას უკრაინაში აშშ-ის ყოფილი ელჩი ჯონ ჰერსტი.

ნატოში შეერთებული შტატების ყოფილი ელჩი, კურტ ვოლკერი „ამერიკის ხმასთან“ საუბრისას ამბობს, რომ უკრაინის მხრიდან, ნეიტრალიტეტზე საუბარს, შესაძლოა, კონკრეტული მიზანი ჰქონდეს.



მაგრამ როგორ შეიძლება განვითარდეს მოვლენები, თუ საბოლოო ჯამში, კიევი უსაფრთხოების გარანტიებით ნატოზე უარს იტყვის? ვოლკერი თეორიულად რამდენიმე შესაძლო სცენარს განიხილავს და ამბობს, რომ დასავლეთმა ყველაფერი უნდა გააკეთოს იმისთვის, რომ რეგიონში, ე.წ. რუსი ზონები აღარ არსებობდეს.

„რაც შეეხება საქართველოს, იმ შემთხვევაში თუ უკრაინა ნეიტრალურ სტატუსზე წავა – თუ ეს ნამდვილად მოხდება, თუ რუსეთი ამას მიიღებს, პუტინი ხელისუფლებაში დარჩება და დასავლეთის ქვეყნებიც ამას დათანხმდებიან, ეს ალბათ შექმნის მოდელს, რომლის შესახებაც საქართველოსთან და მოლოდინსთან ისაუბრებენ და ეტყვიან, „კეთილი, იქნებ ეს მოდელი თქვენც მოგერგოთ...“ მაგრამ, თუ ეს ასე არ მოხდება – და მე მჯერა, რომ ეს ასე არ მოხდება – და უფრო სავარაუდოა, რომ რუსეთი დამარცხდება, უკრაინამ კვლავ უნდა შეხედოს ნატოს, არის თუ არა პროგრესი ალიანსში მისი შეყვანის მიზნით. მე ვფიქრობ, ჩვენ ასევე გადავალთ საქართველოსა და მოლოდინს ნატოში ერთდროულად შეყვანისკენ. ამით ჩვენ ერთხელ და სამუდამოდ დავხურავთ ამ რუს ზონებს.

უფრო სავარაუდოა სცენარით მგონია, რომ რუსეთი მარცხდება, რომ ისინი არ რჩებიან უკრაინაში. პუტინი დარჩება თუ არა ხელისუფლებაში, ის

დამარცხებულ რუსეთს უხელმძღვანელებს. ჩვენ კვლავ უნდა გადავხედოთ ნატოს საკითხს, რადგან არ შეგვიძლია დავუშვათ ამ რუსი ზონების არსებობა. არ შეგვიძლია დავუშვათ, რომ რუსეთი თავს დაესხას ქვეყნებს, რადგან ისინი არ არიან მესუთე მუსლიმი დაცულნი“, – აცხადებს ვოლკერი.

ვიდრე უკრაინას და საქართველოს ნატოს მესუთე მუსლი არ იცავს და ისინი რუსეთის რევიზიონიზმის წინაშე არიან, საქართველოს პოზიციონირება და უკრაინისადმი მხარდაჭერაც მტკიცედ პრინციპული უნდა იყოს, – ამბობენ საქართველოსა და უკრაინაში შეერთებული შტატების ყოფილი ელჩები. ჰერსტის თქმით, „მოსკოვის ისტორიული რევიზიონიზმი მისი ყველა მეზობელი ქვეყნისთვის ძალიან საშიშია“. მისი თქმით, უკრაინა და საქართველო ამ პოლიტიკის ყველაზე სახიფათო ასპექტებს განიცდის. „საქართველომ უნდა გააკეთოს თავისი არჩევანი. შეერთებული შტატები, ნატო, ერვოკავშირი, საქართველოსთან უკეთესი ურთიერთობებით არის დაინტერესებული და მჯერა ეს პოლიტიკა გაგრძელდება“, – ამბობს უკრაინაში შეერთებული შტატების ყოფილი ელჩი.

1998-2001 წლებში, საქართველოში შეერთებული შტატების ელჩი კენეტ იალოვიცი ამბობს, რომ რუსეთთან „დათვის კვების“ პოლიტიკა არ მუშაობს.

„ვიცი ძალიან მარტივი არგუმენტი, – საქართველო უკრაინას უჭერს მხარს, რადგან უკრაინა მსხვერპლია, რუსეთი აგრესორი და ჩვენ უკრაინის გამარჯვება გვინდა და ეს მართალია. ეს ძალიან მარტივი და სწორი არგუმენტია.

მე ვფიქრობ საქართველოს მთავრობა ძალიან ფრთხილად იქცევა, ყველა ფსონის დასაცავად, რადგან არ იცი რა იქნება საბოლოოდ.

მე ვიტყვი გულწრფელად, რომ ბოლო ერთი-ორ კვირამდე დასავლეთი არ აჩვენებდა, რომ ჩვენ ყველაფერს ვაკეთებდით, რაც შეგვეძლო. ვფიქრობ საქართველოს ხელისუფლებას ჰქონდა საფუძველი, ეჭვი შეეტანა დასავლეთის გადაწყვეტაში“ – ამბობს ვოლკერი. მისივე თქმით, ახლა დასავლეთის რიტორიკაში ცვლილებებია და საქართველომ ეს უნდა გაითვალისწინოს.

„ბოლო ორი კვირა ბრიუსელში გავატარე. ვფიქრობ, დასავლეთში ცვლილებებია და ეს კიდევ ერთი ფაქტორია, რაც ქართველებმა უნდა გაითვალისწინონ. ახლა ევროკავშირი უკრაინაზე არ საუბრობს, როგორც გამომწვევაზე. ისინი უკრაინაზე საუბრობენ, როგორც ევროპულ ქვეყანაზე. ეს მენტალიტეტში ფუნდამენტური ცვლილებაა. ნატოში, სახელმწიფო მდივანი ბლინკენი საუბრობდა უკრაინისთვის იარაღის მიწოდების სირქარესა და მოცულობაზე, საჭირო იარაღის ტიპებზე. ეს ლექსიკა ძალიან განსხვავდება ერთი ან ორი კვირის წინანდელი ლექსიკისგან, იმ ნარატივისგან, რომელიც პრეზიდენტმა ბაიდენმა ბრიუსელში გააფიქრა. ეს ლექსიკა უფრო მეტად არის ორიენტირებული იმისკენ, თუ რა არის საჭირო უკრაინის გამარჯვებისთვის. ასე რომ, გასული ორი კვირის განმავლობაში, დასავლეთის ხედვაში მე ცვლილება აღმოვაჩინე“, – ამბობს ვოლკერი.









# პურის ბაძვირება მთავრობის სუბსიდიზაა დამოკიდებული

რუსეთის მიერ, უკრაინაში განხორციელებული სამხედრო აგრესიის ფონზე, პირველადი დანიშნულების პროდუქტებზე ფასი იზრდება. საფრთხის ქვეშ უკვე პურპროდუქტებია. მოახლოვდა მაისი და მეპურეებმა გაძვირებაზე დაიწყეს საუბარი. ძველი ფასის შენარჩუნებაზე მათ სწორედ აქამდე ჰქონდათ პირობა დადებული.

პურის მცხოვრებელთა ასოციაციის ხელმძღვანელი, მალხაზ დოლიძე ამბობს, რომ საერთო გაძვირების მასშტაბის ფონზე, 10 და 15 თეთრით პურის გაძვირება მნიშვნელოვანი პრობლემა არ უნდა იყოს ქვეყნისთვის.

„მენარმე ყოველთვის ცდილობს, როგორც ხარისხში, ისე ფასში რენტაბელური იყოს. ეს ბიზნესის ანბანია. საქართველოში, ისე ვიმეორებ, რომ 2 თვის მარაგი არის, მაგრამ აქ უკვე ფასი „იკბინება“. ახლა, თუ იმასაც გავითვალისწინებთ, რომ შაქარზე, ზეთზე და სხვა პროდუქტებზე უსაშველოდ მაღალი ფასი დადასტურდა, მე მგონი, 10 და 15 თეთრით ფასის მატება ქვეყანას არ დააქცევს. შეიძლება ამაზე გაბრაზდეს მომხმარებელი, მაგრამ რეალობა ასეთია და ამას თვალს უნდა გავუსწოროთ.

არის საუბარი, რომ სოციალურად დუსტრული ფენებისთვის უფრო ძვირადღირებული

ლი პურისთვის დანამატს მიიღებენ, რომ ხელმისაწვდომობა ჰქონდეთ. ჩვენ ყოველდღიურ კონტაქტში ვართ სამეზობლოსთან. მინდა ყველამ იცოდეს, რომ საქართველოში პურზე ყველაზე დაბალი ფასია“, – განაცხადა მალხაზ დოლიძემ.

ამჟამად პრობლემა ისაა, რომ საქართველოში შემოტანილი რუსული ფქვილის ფასიც საგრძნობლად გაიზარდა. თუკი თვეების განმავლობაში 1 ტონარა უმაღლესი ხარისხის ფქვილი 64-65 ლარი ღირდა, ახლა უკვე 75 ლარამდეა ასული. თუ ფქვილისა და ხორბლის ფასის მატების ასეთი ტენდენცია შენარჩუნდება, ზაფხულისთვის პური სავარაუდოდ, 20 თეთრითაც კი გაძვირდება.

„ჯერჯერობით პურის გაძვირების ფაქტს არ ვადასტურებ. ასეთი რამ ქარხნის პურთან დაკავშირებით მასიურად არ მომხდარა. არის რიგი შემთხვევები, როცა საცხოვრებელი, რომელიც პროდუქტზე ადრე შეუფუთავი იყო, ახლა შეუფუთვით გამოდის და შესაბამისად, უფრო ძვირია. ფასი გაზრდილია აბსოლუტურად ყველა კომპონენტზე ფქვილიც, რომელიც რუსეთიდან შემოდის 64-დან 75-ლარამდე გაძვირდა მიმდინარე ომის ფონზე. გარდა ამისა, მსოფლიო ბაზარზე სორბლის ფასმა 450 აშშ დოლარს მიაღწია. ახლა, ჯერი სახელმწიფოზეა, რას იზამს მაისიდან.

მაისამდე ჩვენ პროდუქტს არ გაავაძვირებთ. შემდეგ კი,



თუ ტენდენცია კვლავ გაგრძელდება, პურმა შეიძლება 20 თეთრითაც კი მოიმატოს. აქ უკვე ჯერი სახელმწიფოზეა, რა მექანიზმს ჩართავს“, – განუცხადა „ბიზნესპრესნიუსს“ დოლიძემ.

მდგომარეობის დრამატულობას ადასტურებს სოფლის მეურნეობის მინისტრი ოთარ შავშავაძე.

„ფართო მოხმარების პურზე ფასები გაზრდილი არ არის, რა იქნება სვალ პროგნოზის გაკეთება რთულია. არსებული ვითარებიდან გამომდინარე მდგომარეობა ყოველდღიურად იცვლება. იმ რეალობის გათვალისწინებით რომელიც დადგება, მთავრობა იმსჯელებს და მიიღებს შესაბამის გადაწყვეტილებას.

დღესდღეობით ჩვენთვის პირველი ამოცანა და პრიორიტეტია იყოს მარაგები და ამის მონიტორინგს ვანარმობთ და რა თქმა უნდა, ვაკვირდებით ფასებს და თუ აქ დაგინახავთ რამე მნიშვნელოვან ცვლილებებს შემდგომ მოხდება საკითხზე მსჯელობა თუ რა ღონისძიებები შეიძლება გატარდეს“, – აღნიშნა მინისტრმა, რომელსაც მაიამდე იმდენად ცოტა დრო აქვს დარჩენილი, რომ წესით რეაგირება უკვე დაწყებული უნდა ჰქონდეს.

ბაძა დანელია

**სანთელი**

საქართველოს მხატვართა კავშირი ღრმა მწუხარებით იუნყება რომ გარდაიცვალა საქართველოს მხატვართა კავშირის წევრი, დუშეთის სახალხო თეატრის მთავარი მხატვარი

**ალბერტ ჭინჭარაული**

და სამძიმარს უცხადებს განსვენებულის ოჯახს.  
დაკრძალვა: დუშეთში, ხუთშაბათს 21 აპრილს, 2 საათზე.

## 30 წლის ბიჭი პოლიციელს მოკლა

საპენალური საგამოძიებო სამსახურის თანამშრომლების მიერ წყნეთში 30 წლის მამაკაცის სიცოცხლის გაუფრთხილებლობით მოსპობის ფაქტზე, დაკავებულია შინაგან საქმეთა სამინისტროს ქთბილისის პოლიციის დეპარტამენტის ძველი თბილისის მე-4 სამმართველოს უფროსი დეტექტივი, – ამის შესახებ ნათქვამია სპეციალური საგამოძიებო სამსახურის მიერ გავრცელებულ ინფორმაციაში.

„საქმეზე ჩატარებული გადაუდებელი საგამოძიებო და საპროცესო მოქმედებების შედეგად დადგინდა, რომ 2022 წლის 18 აპრილს, წყნეთში, ლგუდიაშვილის ქუჩის მიმდებარე, ქთბილისის პოლიციის დეპარტამენტის ძველი თბილისის მე-4 სამმართველოს უფროსი დეტექტივის ნარკოტიკული საშუალების შესაძლო უკანონო შექმნა-შენახვის ფაქტთან დაკავშირებით შემთხვევის ადგილზე გამოცხადებისას, დაკავების ღონისძიების განხორციელების დროს, შემთხვევით გაუფრთხილდა სამსახურბრძოვი იარაღიდან, რის შედეგადაც ახალგაზრდა მამაკაცი გარდაიცვალა“.

## ქუთაისი-საირკის მონაკვეთზე ტრაილერებით მოძრაობა აღდგა



საძირითველოს რეგიონული განვითარებისა და ინფრასტრუქტურის სამინისტროს საავტომობილო გზების დეპარტამენტის ინტენსიური განმედიოთი სამუშაოების შედეგად, შიდასახელმწიფოებრივი მნიშვნელობის ქუთაისი-ბაღდათი-აბსთუმანი-ბენარას საავტომობილო გზის (ქუთაისი-საირკე) მონაკვეთზე, მისაბმელიანი, ნახევრადმისაბმელიანი და 30 ადგილზე მეტი ტრეილერების ავტობუსებით მოძრაობა აღდგენილია. საავტომობილო გზების დეპარტამენტი მოუწოდებს მოსახლეობას, იმოდროს გამართული ავტოტრანსპორტით და დაემორჩილონ საავტომობილო გზებზე დაწესებულ რეჟიმებს.

# სანვაჯე სუბსიდიზა არ იქნება - რა ელით ფერმერებს?!

საძირითველოში მალე ხენა-თესვის სეზონი დაიწყება, ფერმერებს კი მოუწევთ, ახალ რეალობას გაუმკლავდნენ – სანვაჯის ფასები, წინა სეზონთან შედარებით, თითქმის გაორმაგებულია.

საინტერესოა, რა გავლენა ექნება გაძვირებულ სანვაჯის ფასებს სასოფლო სამუშაოებზე, როგორ იმოქმედებს ეს პროდუქტის საბოლოო ფასსა და რაოდენობაზე. ასევე, აქვს თუ არა სახელმწიფოს შემუშავებული გეგმა, ფერმერებს შელავათიან ფასად სანვაჯი მიანოდონ.

13 აპრილის მონაცემებით, საქართველოში დიზელის სხვადასხვა სანვაჯის ფასი ბრუნდირებულ ქსელებში, საშუალოდ, 4.15-დან 4.50 ლარამდე მერყეობს. სანვაჯის ფასი შედარებით იაფია არაბრუნდირებულ ბენზინგასამართ სადგურებზე. დაახლოებით ერთი წლის წინ საქართველოში ერთი ლიტრი დიზელი 2.70-2.80 ლარი ღირდა.

წელს დიზელზე ფასები განსაკუთრებით გაიზარდა უკრაინაში რუსეთის შეჭრის შემდეგ.

ნავთობპროდუქტების იმპორტიორთა კავშირის დირექტორის, ვანო მთვარალაშვილის განცხადებით, უკრაინაში ომის დაწყებამდე საერთაშორისო ბაზარზე ერთი ტონა დიზელი 813 დოლარი ღირდა, თუმცა მარტისთვის დასაწყისში 1260 დოლარი გახდა.

მისი მიმოხილვით, მოგვიანებით, ფასები შედარებით შემცირდა და ამჟამად, საშუალოდ, 1066 დოლარია, თუმცა ფასები საცალო ბაზარზე ჯერჯერობით არ შემცირებულა, რადგან კომპანიებმა სანვაჯი პიკურ ფასებში შეიძინეს და ბაზარს სწორედ ამ სანვაჯს აწვდიან.

მისი განცხადებით, ფასების დაწევა მოსალოდნელია, რადგან მსოფლიო ბაზარზე პროდუქტია იაფდება, რაც ამერიკის შეერთებული შტატების მიერ რეზერვების გახსნის გადამწყვეტილებასთანა დაკავშირებული, რომელიც პრეზიდენტმა ბაიდენმა მიიღო. კითხვაზე, თუ რამდენი თეთრით შეიძლება გაი-



აფდეს დიზელის სანვაჯი და დაუბრუნდება თუ არა, მაგალითად, შარშანდელ მდგომარეობას, ნავთობპროდუქტების იმპორტიორთა კავშირში პასუხის გაცემა უჭირთ.

### რა გავლენა შეიძლება ჰქონდეს ბაძვირებულ სანვაჯს ადგილობრივ წარმოებაზე.

ერთნაირი მარცვლეული კულტურების, მათ შორის, ხორბლის, სიმინდისა და ქერის, წარმოებისთვის საჭიროა ნიადაგის დახვნა, კულტივაცია, დაფრენვა, დათესვა, სასუქების, პერბიციდების, პესტიციდებისა და სხვა პრეპარატების შეტანა, რაც შემთხვევაში, მორწყვა, საბოლოოდ კი, მოსავლის მექანიზებული გზით აღება.

საქმიანობის ყველა ეტაპზე გამოიყენება სასოფლო-სამეურნეო ტექნიკა, რომელიც, როგორც წესი, დიზელის სანვაჯზე მუშაობს. არასამეწარმეო ორგანიზაცია „მოშავლის ფერმერის“ ხელმძღვანელი რუსუდან გიგაშვილი აცხადებს, რომ სანვაჯის ფასების გაძვირება პირდაპირ აისახება საბოლოო პროდუქტის ფასზე.

„ზოგადად, ძალიან ბევრი რამ გაძვირდა, მათ შორის, სანვაჯი, პესტიციდები და ყველა სხვა სამეურნეო საშუალება.“

# ირანიდან 4 ექსპონატი დაბრუნდა... 11-ს დაკარგულად მიიჩნევენ



სამხრეთკავკასიის კულტურის, სპორტისა და ახალგაზრდობის სამინისტროს ძალისხმევით, 1995 წელს ირანში საქართველოს საელჩოში გატანილი 15 ფერწერული და გრაფიკული ნამუშევრიდან 4 ექსპონატი საქართველოს ეროვნულ გალერეას დაუბრუნდა.

ექსპონატების საქართველოში დაბრუნების შესახებ კულტურის, სპორტისა და ახალგაზრდობის სამინისტროსა და საელჩოს შორის გადამართულ ბრიფინგზე ისაუბრა. ნამუშევრები ირანის ისლამურ რესპუბლიკაში საქართველოს საელჩოში დროებით საექსპოზიციოდ იყო გატანილი.

ექსპონატების საქართველოში დაბრუნება მინისტრის პირველი მოადგილის, კახა სიხარულაძისა და ირანის ისლამურ რესპუბლიკაში საქართველოს სრულუფლებიანი ელჩის, იოსებ ჩახვაშვილის აქტიური მუშაობითა და ძალისხმევით მოხდა.

ეროვნულ გალერეას წლების წინ ქვეყნიდან გატანილი შემდეგი 4 ნახატი დაუბრუნდა: დიმიტრი ხახუაშვილი – „იმერეთი“, შოთა

ლევანა – „გრემი“, ზაურ დეისაძე – „აკაკი წერეთლის ცხოვრება“, გრიგოლ ჩირინაშვილი – „შოთა რუსთაველი“.

აღსანიშნავია, რომ ირანის ისლამურ რესპუბლიკაში საქართველოს ეროვნული გალერეიდან 1995 წელს გატანილი 15 ექსპონატის შესახებ, არც საქართველოს ეროვნულ გალერეას და არც საქართველოს ეროვნულ მუზეუმს, რომელშიც ეროვნული გალერეა 2005 წელს გაერთიანდა, 2012 წლამდე არავისთვის მიუმართავთ. მოცემული ექსპონატების შეკრება პირველად განახორციელა ირანში საქართველოს ელჩმა გიორგი ჯანჯღავამ 2012 წელს. საქართველოს საგარეო საქმეთა სამინისტროსა და ირანის ისლამურ რესპუბლიკაში საქართველოს საელჩოს შორის 2012 წლის ბოლოდან წარმოებული მიმოწერით დასტურდება, რომ 15 ექსპონატიდან 11 დაკარგულად მიიჩნევა.

შეგახსენებთ, რომ თვა წულუკიანის ინიციატივით, 2021 წლის აპრილში დაიწყო სხვადასხვა დროს (1999-2010 წლები) შალვა ამ-

ირანაშვილის სახელობის ხელოვნების მუზეუმიდან და დიმიტრი შევარდნაძის სახელობის ეროვნული გალერეიდან გატანილი ექსპონატების შეგროვება და მუზეუმისთვის მათი დაბრუნება.

კულტურის სამინისტროს ინიციატივით და ძალისხმევით, 2021 წლის მაისში შალვა ამირანაშვილის სახელობის ხელოვნების მუზეუმსა და ეროვნულ გალერეას დაუბრუნდა კულტურის სამინისტროში მოძიებული 12 ფერწერული ტილო (ელენე ახვლედიანი, „ფასანაური“; ელენე ახვლედიანი, „ძველი ქუთაისი“; ედმონდ კალანდაძე, „ძველი სასაფლაო - ბაზილიკა“; გურამ (ხიტა) ქუთათელაძე, „ნატურმორტი“; გურამ (ხიტა) ქუთათელაძე, „ვენიზია“; ლევან ლალიძე, „განაძე“; სერგო ქობულაძე, „რუსთაველი“; სერგო ქობულაძე, „დანტი“; იდა ოცხელი, „ფოთოლცენა“; რადიშ თორდია, „მოსუცი ქალი შემოდგომის ყვავილებით“; მისივე ხეტილა, „შემოდგომა“; თენგიზ ცხონდია, „ძველი თბილისის კუთხე“).

ასევე, 2021 წლის სექტემბერში დიმიტრი შევარდნაძის სახე-

ლობის ეროვნულ გალერეას დაუბრუნდა 2010 წელს ჩეხეთის რესპუბლიკაში გატანილი 4 ფერწერული ტილო, ესენია: ირაკლი სუთიძის „ნატურმორტი“, თენგიზ ცხონდიას „ქართლი“, ომარ კაჭკაჭიშვილის „ადრეული გაზაფხული“ და გურამ ნავროზაშვილის „ალორძინება“.

2021 წლის ნოემბერში კი, შალვა ამირანაშვილის სახელობის ხელოვნების სახელმწიფო მუზეუმს დაუბრუნდა საქართველოდან 2003 წელს რუსეთის ფედერაციაში დროებით საექსპოზიციოდ გადაცემული ნახატები, რომლებიც წლების განმავლობაში რუსეთის მცენიერებათა და ხელოვნების აკადემიის საცავებში ინახებოდა. საქართველოში შემდეგი ექსპონატები დაბრუნდა: ბორის ფოგელი – „თელავი“ (1936 წ.); ვეგენი ლანსერე – „ხევსურეთი“ (1926 წ.); ბორის ფოგელი – „სასულიერო სემინარია“ (1934 წ.); გრიგორი გაგარინი – „ქართველი ქალები“ (1854 წ.); ლევ ლაგოროვი – „ანასტასია ორბელიანი-გაგარინას პორტრეტი“ (1850 წ.); კარლ ფუკოსკი – „ივანე ანდრონიკაშვილის პორტრეტი“ (1850 წ.).



## „თბილისის სის ქვეშ“

ბოლო წლების განმავლობაში საქართველოში პანდემიამდე ძალიან დიდი პოპულარობით სარგებლობდა პროგრამა „თბილისის ცის ქვეშ“. აღდგომის დღესასწაულების შემდეგ ვინცებთ ამ პროგრამის განხორციელებას, – ამის შესახებ თბილისის მერმა კახა კალაძემ სოციალურ ქსელში ვიდეორეგისტრაციას განაცხადა.

მისივე თქმით, თბილისში შეირჩევა კონკრეტული ადგილები, სადაც ყოველ შაბათ-კვირას ქართული ესტრადის ვარსკვლავების კონცერტები გაიმართება.

კახა კალაძემ პროექტის განხორციელება მერის მოადგილეს, ანდრია ბასილაის დაავალა, რომლის განცხადებით, უახლოეს მომავალში ცნობილი გახდება კონცერტების ჩატარების თარიღები და ადგილმდებარეობა. პროექტი „თბილისის ცის ქვეშ“ დედაქალაქის მერიამ 2018 წელს დაიწყო.

## დაბადების დღე, რატომ გადავიხადეთ...

აშშ-ში, კენტუკის შტატში, ამერიკელმა კაცმა ყოფილ სამსახურს სასამართლო დავა მოუგო და 4450,000-ს მიიღეს. ირკვევა, რომ კაცმა უშუალო ხელმძღვანელს სთხოვა, მისი დაბადების დღე სხვა თანამშრომლების დაბადების დღეების მსგავსად, წვეულებით არ აღენიშნათ, რადგან შფოთვითი აშლილობა აქვს და ეს მასში სტრესს გამოიწვევდა. თანამშრომლებმა მისი თხოვნა არ გაითვალისწინეს და კომპანიაში კაცის დაბადების დღე მაინც აღნიშნეს, რასაც მისი პანიკური შეტევა მოჰყვა. მან შენობა დატოვა და ლანჩი, რომლისთვისაც ემზადებოდა, საკუთარ ავტომობილში მიიტოვა.

მოგვიანებით, სამუშაო ადგილზე დაბრუნებულ კაცს თანამშრომლები დაუპირისპირდნენ და უთხრეს, რომ „პატარა გოგოსავით მოიქცე“ და სხვებს „სიხარული ჩააშაბა“. რამდენიმე დღეში, კაცი სამსახურიდან გაათავისუფლეს. სასამართლომ კომპანიას კაცისთვის, ემოციური სტრესის გამო, 4300,000-ს გადასხვა დააკისრა, 4150,000 კი დაკარგული ხელფასის ასანაზღაურებლად.



## საზრანგეთის რუსული გაზი არ სჭირდება

საზრანგეთის რუსული გაზი არ სჭირდება, – განაცხადა საფრანგეთის პრეზიდენტმა, ემანუელ მაკრონმა. რუსეთის წინააღმდეგ სანქციების დაწესების საკითხს რამდენიმე ვეროპულ ლიდერთან და პრეზიდენტ ბაიდენთან მოლაპარაკების დროს განვიხილავ, – განაცხადა საფრანგეთის პრეზიდენტმა. მაკრონის თქმით, საფრანგეთი აპირებს, რუსული გაზის საკითხი განიხილოს, რადგან „საფრანგეთს ის არ სჭირდება“.

ამასთან, მაკრონმა თქვა, რომ ევროპა დამოკიდებულია რუსულ გაზზე. რაც შეეხება რუსეთიდან იმპორტირებულ ნავთობსა და ქვანახშირს, მაკრონი მიიჩნევს, რომ სანქციები ამ სფეროებზე უნდა შეეხოს. „ეს არის გზა, რომ რუსეთმა ომის დაფინანსება შეწყვიტოს“, – განაცხადა საფრანგეთის პრეზიდენტმა.

### ყოველგვარი რეკლამა გაზეთს ჰაერივით სჭირდება!

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 103 წლის ყოველდღიური გამოცემის აღორძინებას.

ჩვენი ანგარიში: №GE19TB7601536020100009.  
(შპს „ახალი საუკუნე“ – გაზეთ „საქართველოს რესპუბლიკის“ გამომცემელი).

### საქართველოს რესპუბლიკა

SAKARTVELOS REPUBLIKA

ვაშა ფშაველას №48

მთავარი რედაქტორი  
სპარტაკ ძოგულია  
599 36-00-35

პასუხისმგებელი რედაქტორები:  
გურამ გომიაშვილი  
599 53-76-16;  
ალექს  
ასლანიშვილი  
599 56-81-86;

პასუხისმგებელი მდივანი  
მამუკა ვაშაქიძე  
514 33-33-24

გამომცემელი:  
შპს „ახალი საუკუნე – გაზეთ „საქართველოს რესპუბლიკის“ გამომცემელი“  
599 53-76-16; 599 36-00-35

შპს „თანამშრომელი“-გაზეთ „საქართველოს რესპუბლიკის“ გამომცემელი“  
ტ: 599 79-76-79

იზაბელა სტამბა  
„კოლორი“  
თ. პალაძის ქ. №3

კოლორი ჰაუზი

uac(უაკ)070.4(479.22) ს-323

2 009882 616932

ავტორთა სახურა დღეობს!  
რედაქციის მიერ შეუქმნათვი მასალაზე დანიშნულია ავტორთა ხარჯით. ავტორთა მოსაზრებები, შესაქმლვა, გულად არ ემთხვევათ რედაქციის პოზიციას. ფაქტების სიზუსტეზე პასუხს ავებან ავტორები.

### გაზეთის მომავალი ნომერი გამოვა პარასკევს, 22 აპრილს

სა	უსტოური ვალუტის კარსი: აუუ ფოლარი - 3.0613; აპრო - 3.3053 ბრიტანული პირანა სტერლინგი - 3.9873; 100 რუბლი - 3.7775; თურქული ლირა - 0.2113; აზერბაიჯანული მანათი - 1.8054; 1000 სომხური დრამი - 6.4996.	აპრილი 20 აპრილისთვის აღმოსავლეთი სამაროვი: ბარი - ლაშქ +10, ლაშქ +19 მთიანი რაიონები - ლაშქ +7, ლაშქ +21 დასავლეთი სამაროვი: ბარი - ლაშქ +7, ლაშქ +15 მთიანი რაიონები - ლაშქ +7, ლაშქ +16 თბილისი: ლაშქ +13, ლაშქ +20	დაგვიკავით, მოგვწერით: ტელ: 599-79-76-79, 599-36-00-35 ელ. ფოსტა: sakresp@mail.ru და sakresp@top.ge ვებ-გვერდი: www.sakresp.ge
----	--	---	--